

PITANJA I ODGOVORI U OKVIRU JAVNOG POZIVA ZA NACIONALNE INTERVENCIJE, LOKALNE INICIJATIVE, MEDIJSKE I CREATIVE BOX GRANTOVE ZA CRNU GORU

1. Šta predstavlja jedan javni poziv?

Jedan javni poziv podrazumijeva jedan od nekoliko javnih poziva jedne te iste vrste grant linije u okviru koje se objavljuje poziv za dostavljanje projektnih prijedloga. Trenutno je otvoren prvi Javni poziv za dostavu projektnih prijedloga za Nacionalne intervencije, Lokalne inicijative, Medijske i Creative Box grantove. Pozivi za Ad Hoc grantove je stalno otvoren poziv i aplicirati se može u svakom trenutku u skladu sa propozicijama Javnog poziva koji možete naći na web stranici www.smartbalkansproject.org

2. Da li se u budžetu projekta, navodi stvarna plata angažovanog osoblja na projektu ili se u budžetu predstavlja neka procijenjena vrijednost plate? Da li ćete tražiti da se u sklopu finansijskog izvještaja dostave izvodi plata?

Plate navedene u budžetu trebaju biti stvarne plate koje imaju osobe angažovane u vašoj organizaciji/kompaniji. Prilikom finansijskog izvještavanja, korisnik granta mora dokazati da je procenat angažmana koji je naveden u budžetu, u skladu sa ugovorom o radu te osobe. O bilo kakvim izmjenama ugovora o radu osobe angažovane na projektu, korisnik granta je dužan informisati CPCD i dostaviti dokaz o tim izmjenama, ali će se i dalje morati rukovoditi onim što je planirano i odobreno budžetom. U sklopu finansijskog izvještaja će biti potrebo dostaviti bankovne izvode koji opravdavaju sve navedene troškove kao i dokumentaciju koja to dokazuje.

3. Da li budžet projekta treba da sadrži PDV? Da li se PDV predstavlja kao vlastiti trošak, odnosno vlastito ulaganje? Da li će korisnik granta dobiti neku potvrdu na osnovu koje može tražiti povrat PDV-a?

Budžet projekta treba da sadrži PDV jer projekti koji budu podržani u okviru SMART Balkans projekta kojeg finansira Norveško Ministarstvo vanjskih poslova u Crnoj Gori nisu izuzeti od plaćanja PDV-a.

4. Da li je određen neki minimalan/maksimalan procenat angažmana osoblja na projektu?

Minimalni/maksimalni procenat angažmana nije predviđen, ali to svakako treba biti realan i optimalan procenat angažmana koji omogućava kvalitetnu i pravovremenu implementaciju projekta.

5. Da li već uposleni radnik može biti angažiran 100% na realizaciji projekta ili sa manjim procentom učešća?

Da. Procjena aplikanta je u kojem će procentu angažirati osoblje na realizaciji projekta kako bi projekat bio uspješno realizovan. Angažman u projektu se dokazuje kroz evidenciju radnog vremena, *time sheet* ili neki drugi dokument koji koristi organizacija prilikom obračunavanja plate.

6. Postoji li neki fiksni kurs EUR koji CPCD preporučuje da se koristi prilikom pripreme budžeta?

Tokom implementacije, svi korisnici grantova će dobiti detaljna uputstva u vezi kursa i njegove primjene. Ova formula je već uvrštena u formu budžeta koji predstavlja sastavni dio aplikacijskog procesa. Molimo vas da prilikom kreiranja budžeta obratite pažnju na kopiranje formula koje su već postavljene u slučaju da dodajete nove redove u tabeli.

7. Da li je već poznato nešto više informacija o sastavu komisije za evaluaciju projektnih prijedloga?

Da, sistem evaluacije projektnih prijedloga je uspostavljen na samom početku projekta SMART Balkans i podrazumijeva angažman neovisnih i profesionalnih eksternih evaluatora i evaluatorica, kao i članova i članica selekcion komisije koja donosi konačnu odluku.

8. Koliko star može biti bilans stanja i bilans uspjeha koji se trebaju dostaviti uz aplikaciju?

Potrebno je dostaviti bilans stanja i uspjeha za posljednju fiskalnu godinu. Za aktuelne pozive to je 2021. godina.

9. Šta znače operativni troškovi?

Operativni troškovi su troškovi koji nisu direktno vezani za provođenje projektnih aktivnosti, ali su neophodni kao podrška za realizaciju projekta. Takvi troškovi su npr. troškovi najma kancelarije, režijski troškovi, troškovi telefona, održavanja i sl.

10. Da li će vrijednost predloženog projekta uticati na bodovanje?

Ukoliko se isključivo misli na iznos ukupno predloženog budžeta, to neće uticati na bodovanje. Aplikant procjenjuje koji iznos budžeta mu je potreban za realizaciju projekta i predlaže ga. Potrebno je voditi računa da se ne prekorači maksimalno dozvoljeni iznos u skladu sa propozicijama Javnog poziva. Međutim, ono što će uticati na bodovanje je struktura budžeta, tj. da li je budžet je jasno prezentovan i u potpunosti odražava projektne aktivnosti kako u *excel* tabeli tako i u narativnom opisu, da li su troškovi realistični i neophodni za postizanje očekivanih rezultata i ciljeva te ukupna isplativost.

11. Šta je potrebno napisati u vremenskom planu ukoliko će u nekom periodu biti realna pauza u provođenju aktivnosti?

Projekat se obično sastoji od više setova aktivnosti. Ukoliko znate da će biti potreba za pauzom u nekoj aktivnosti (npr. ako radite sa studentima, pa znate da u toku ljetnog perioda nećete moći realizovati aktivnosti u koje su i oni uključeni, primjer je isključivo ilustrativnog karaktera) to se treba oslikati u planu aktivnosti.

12. Možete li pojasniti šta znači "uključujući dodatnu vrijednost i sinergiju sa drugim relevantnim inicijativama u regiji i izbjegavanju dupliciranja? Konsultacije su održane? "

Dodatna vrijednost podrazumijeva dodatak ili unapređenje koje će projektu dati više na značaju i ukupnoj vrijednosti projektnih rezultata. To može uključivati indirektni uticaj ili lančanu reakciju u promjenama, inovaciju u odnosu na uobičajene načine realizacije projekata kao i da li su uključene marginalizirane grupe, da li je zastupljena rodna ravnopravnost itd.

Prilikom pisanja aplikacije, važno je objasniti na koji način je projekat povezan sa sličnim inicijativama i projektima, da li predstavlja nastavak određenog projekta ili djelovanja u toj oblasti, te kakva je sinergija sa drugim sličnim ili komplementarnim projektima/inicijativama/procesima.

Važno je spomenuti i konsultacije sa zainteresovanim stranama, ciljnim grupama ili korisnicima/ama projekta, na koji način su održane konsultacije, koji je njihov opseg, zaključak i struktura

13. Da li je moguće aplicirati na poziv sa projektom koji također treba biti finansiran i od strane drugog donatora?

Moguće je aplicirati sa projektom koji će biti sufinansiran i od strane drugog donatora, ali je potrebno navesti šta je specifični cilj, šta je rezultat kojeg dijela projekta te koja je veza između projekata te naglasiti koje će aktivnosti biti finansirane kroz SMART Balkan projekat. Neophodno je naznačiti ukupne iznose za svaku budžetsku liniju, u kojoj se jasno može vidjeti potrebni iznos za realizaciju aktivnosti kao i traženi iznos od SMART Balkan projekta i kontribucija drugog donatora. Aplicirani projekat treba biti zasebna cjelina čiju implementaciju i učinak je moguće pratiti neovisno od dodatka kojeg finansira drugi donator, i neophodno je osigurati neovisan vizibilitet SMART Balkan projekta

14. U pozivima za SMART Balkan projekte, naznačeno je da organizacija može aplicirati samo sa jednim projektom. Da li se to odnosi samo na jednu liniju? Npr, da li je moguće da ista organizacija aplicira na dvije linije – Medijski projekti i Nacionalne intervencije i da li je moguće poslati dvije aplikacije za jedan poziv?

Da, moguće je aplicirati na više različitih poziva ali nije dozvoljeno poslati više od jedne aplikacije po jednoj grant liniji. Npr. može se aplicirati na sva četiri poziva sa različitim projektima, ali se ne mogu poslati dva projekta u okviru jedne grant linije.

15. Da li se moguće prijaviti na GMP ukoliko je organizacija registrovana prije godinu dana i nema izvještaja za prethodnu godinu?

Da, moguće je. U slučaju da je organizacija tek osnovana (i postoji manje od godinu dana), na memorandumu organizacije je potrebno napisati da je tek osnovana i da nema finansijski godišnji izvještaj te se taj dokument učitava u polje predviđeno za izvještaj na Grants Management Platformi.

U tom slučaju, organizacija je obavezna dostaviti narativni izvještaj za prethodnu godinu odnosno one mjesece u kojima je djelovala.



**SMART
Balkans**

Civil Society for Shared Society
in the Western Balkans

16. Da li se na pozive mogu prijaviti i OCD koje nisu registrovane na osnovu Zakona o NVO, već na osnovu drugih zakona (poput sindikata)?

Ne. Kako je i definisano u Smjernicama za aplikante, na pozive se mogu prijaviti samo organizacije koje su pravno lice (za slučaj medijskih grantova) ili koje su registrovane u skladu sa Zakonom o nevladinim organizacijama Crne Gore isključujući organizacije čiji su direktni osnivači političke partije ili vjerske institucije.

17. Da li je revizorski izvještaj neophodan za registraciju na platformi?

Ne, nije neophodan za registraciju na GMP.

18. Da li se može predati izjava o nedostatku revizorskog izvještaja umjesto samog izvještaja kao što je slučaj sa finansijskim?

Izjavu ne treba predavati umjesto revizorskog izvještaja jer to polje može ostati prazno prilikom registracije.

19. Kako se neformalne grupe registruju na platformi?

Neformalne grupe ne šalju aplikaciju putem GMP nego putem e-maila: grants1@smartbalkansproject.org tako da sama registracija ove grupe nije predviđena na platformi.

20. Da li je neophodno dostaviti potvrdu o državljanstvu osnivača pri apliciranju?

Ne, nije. Ako je riječ o neformalnim grupama, također nije potrebna ta vrsta dokumenta dok se ne dođe do procesa potpisivanja ugovora.

21. Da li se mogu prijaviti aplikacije koje su dio konzorcija već odobrenih projekata?

Nema prepreke da organizacije koje su dio konzorcija već odobrenih projekata apliciraju u okviru SMART Balkan projekta, niti da dobiju grant ali SMART Balkan neće finansirati aktivnosti koje su već podržane od strane drugog donatora.

22. Da li postoji finansijski uslov apliciranja za nacionalne intervencije, odnosno mora li aplikant učestvovati u sufinansiranju?

Ne, ovo nije uslov za apliciranje i aplikant ne mora učestvovati u sufinansiranju ali sufinansiranje nije zabranjeno.

23. Da li su za apliciranje potrebna partnerstva ili se aplicira samostalno?

U okviru ovih poziva, aplicira se samostalno, partnerstva nisu predviđena.

24. Da li su prihvatljive aktivnosti jačanja kapaciteta, studijske posjete?

Studijske posjete van granica zemlje u kojoj se implementira projekat nisu dozvoljene. Ako se aktivnost jačanja kapaciteta uklapa u ciljeve i rezultate projekta i u skladu je sa temom Javnog poziva i uključuje proces zagovaranja, onda je dozvoljena.

25. Da li NVO koje se bave specifičnim djelatnostima kao što su zaštita životne sredine, zaštita kulturne baštine, zaštita djece i slično, mogu aplicirati na navedene pozive?

Tema koju predloži projekat treba da odgovara projektnim oblastima navedenim u javnim pozivima i ukoliko je to slučaj, onda organizacija može aplicirati.

26. Možete li objasniti način registracije na Grant Management platformu (GMP)?

Prilikom registracije na GMP platformu, potrebno je da organizacija učita Statut, Rješenje o registraciji, dokument kojim potvrđuje ID/PDV broj izdat od nadležnog organa, godišnji narativni izvještaj, bilans stanja i uspjeha za istu godinu za koju se podnosi narativni izvještaj te ukoliko posjeduje – revizorski izvještaj i strateški plan. Bitno je naglasiti da registraciju treba izvršiti osoba u organizaciji ovlaštena za zastupanje jer samo ta osoba i njena e-mail adresa mogu podnijeti aplikaciju – prijavu projekta. SMART Balkan tim će u roku od 5 radnih dana da prihvati ili odbije registraciju ili da zatraži dopunu (ukoliko svi potrebni dokumenti nisu učitani ili nisu validni). Za sve tehničke poteškoće sa GMP, korisnici/e se mogu obratiti na mail info.bih@smartbalkansproject.org

27. Da li u okviru Javnog poziva može aplicirati fizičko lice sa projektom čiji je cilj osnivanje NVO i osnaživanje kapaciteta ali sa konkretnim projektom te organizacije?

Ne, kroz ove pozive ne podržavamo osnivanje nego osnaživanje već postojećih organizacija. Niti jedno fizičko lice ne može samo aplicirati ni na jedan poziv, kako je i navedeno u Smjernicama za aplikante.

28. Da li organizacije koje se bave osobama sa invaliditetom mogu aplicirati?

Da, posebno zato što se pitanja osoba sa invaliditetom mogu odnositi na oba tematska područja SMART Balkan projekta ako se povežu sa sigurnosti is tabilnosti ili dobrim upravljanjem.

29. Da li će biti organizovana obuka za pisanje pune aplikacije?

Ne.



30. Da li NVO koje su u stvari medijske NVO apliciraju kao NVO ili kao mediji?

Na medijske grantove apliciraju organizacije civilnog društva koje imaju medij, a medijskim organizacijama civilnog društva je dozvoljeno da apliciraju i na druge javne pozive ako zadovoljavaju sve druge kriterije navedene u Smjernicama za aplikante.

31. Organizacija ima medijski outlet. Da li može aplicirati na medijski grant sa medijskim outletom?

Da, ako organizacija ima svoj medijski outlet koji podrazumijeva radio, web portal i sl. U slučaju da se pod outletom podrazumijeva sadržaj koji se emituje na mediju koji nije u vlasništvu organizacije, aplikacija neće biti prihvaćena.

32. Da li je moguć subgranting?

Ne. Dodjeljivanje subgrantova nije dozvoljeno.

33. Gdje će se vršiti potpisivanje ugovora za organizacije koje su dobile grantove ?

Potpisivanje ugovora za organizacije dobitnice grantova će biti definisano naknado i biće prilagođeno specifičnim potrebama aplikanta i projekta SMART Balkan.

34. Da li možete približiti malo značenje i kontekst pojma sigurnost i dobro upravljanje?

U Smjernicama za aplikante za svaki pojedinačni javni poziv su navedene podoblasti za sigurnost i stabilnost, kao i dobro upravljanje.

35. Na koji način se vrši uplata tranši? Da li se vrši refundacija utrošenih sredstava ili se sredstva uplaćuju avansno?

Uplata sredstava će se vršiti putem tranši s tim da se samo zadnja tranša uplaćuje po principu refundacije što bi značilo da će se nakon dostavljanja i usvajanja finalnog izvještaja izvršiti uplata posljednje tranše. Tačni procenti tranši će biti definisani ugovorom o dodjeli granta.

36. Da li se pod medijske grantove može računati pokretanje podcasta?

Ne. U okviru Granta za medije neće biti moguće podržati osnivanje medija ili podcasta.

37. Da li nevladina organizacija koja nema svoj medij može aplicirati na grant, bilo sama bilo u partnerstvu sa drugim medijem?

U okviru Granta za medije nije predviđeno partnerstvo između organizacija i medija, te organizacije koje nemaju svoj medij ne mogu aplicirati na ovaj poziv.



SMART
Balkans

Civil Society for Shared Society

in the Western Balkans

38. Da li je aplikacija na engleskom ili na maternjem jeziku?

Sve aplikacije za ove pozive se podnose na maternjem jeziku.

39. Da li se u slučaju određenih tendera koriste nacionalna pravila javnih nabavki?

Lokalni zakoni koji su na snazi u zemlji u kojoj se implementira grant se moraju poštovati. U slučaju da organizacija ima svoje procedure nabavki, te procedure će biti prihvaćene uz usaglašavanje sa zahtjevima nabavki koji će za svaki pojedinačni grant biti objašnjene u smjernicama koje će dobiti aplikanti uz potpisane ugovore.

40. Da li su troškovi nabavke opreme ili infrastrukturni radovi prihvatljivi troškovi?

Ukoliko je nabavka opreme neophodna za implementaciju projekta može se nabaviti, u određenom obimu. Infrastrukturni radovi nisu dozvoljeni.

41. Da li je organizacija mentorstva prihvatljiva ideja?

Organizacije civilnog društva su slobodne da samostalno donesu odluku o metodologiji i vrsti aktivnosti koju će implementirati kako bi došli do željenog cilja i očekivanih rezultata koji su u skladu sa ciljevima javnog poziva.

42. Da li postoje ograničenja u smislu godina starosti u okviru apliciranja za Creative box?

Članovi/ice neformalne grupe moraju biti punoljetne osobe a gornja granica starosti članova/ica ne postoji.

43. Kod Javnog poziva za lokalne inicijative, da li se aktivnosti moraju sprovesti samo u opštini/gradu u kojem je registrovana organizacija i sprovesti aktivnosti samo i isključivo u toj jednoj opštini?

Ne. Lokalno znači da se želi riješiti neki problem koji obuhvata lokalnu zajednicu, bez limitacije u administrativnom smislu.

44. Da li osoba koja radi u NVO koja aplicira za grant u okviru nacionalne intervencije može aplicirati i za Creative box sa neformalnom kreativnom grupom?

Da, može, ali neformalnu grupu ne smiju činiti isključivo osobe iz pomenute organizacije.



SMART Balkans

Civil Society for Shared Society

in the Western Balkans

45. Da li je otežavajuća okolnost ako je NVO tek osnovana, znači nema realizovanih projekata, ali su u organizaciji ljudi sa iskustvom u NVO sektoru?

Iskustvo organizacije nije kriterij zbog kojeg će aplikacija biti odbijena, ali se iskustvo organizacije vrednuje u skladu sa objavljenim kriterijima za evaluaciju.

46. Da li će snimak info sesije biti javno dostupan ?

Ne, video prezentacija se neće slati ali će odgovori na sva pitanja biti objavljeni na web stranici projekta.

47. Da li se informacije vezane za sukob interesa odnosi i na NVO?

Da, sukob interesa je zabranjen u okviru SMART Balkan projekta.

48. Da li postoji finansijski limit za nabavku usluga ili opreme, odnosno kada se mora raspisivati tender?

Limit postoji u odnosu na interne procedure organizacije ili ako ih nema, procedure koje su navedene u ugovoru i smjernicama. Postoje određena pravila i trebaju se poštovati lokalni zakoni zemlje u kojoj se implementira projekat.

49. Da li se prilikom planiranja budžeta može predvidjeti višemjesečni zakup prostora za realizaciju jedne specifične aktivnosti iz projekta (ne kao kancelarijski prostor) nego prostor za realizaciju specifičnih aktivnosti. I ako da, da li to spada u direktni ili indirektni trošak?

Ako je trajanje te specifične aktivnosti tokom cijelog projekta, može se finansirati kroz direktne troškove ali samo za tu aktivnost uz adekvatnu argumentaciju neophodnosti tog troška.

50. Koji je maksimalan procenat iznosa honorara za ljudske resurse?

Iznosi honorara nisu limitirani i aplikanti su slobodni samostalno definisati iznose uz narativni opis navedenog troška koji treba argumentovati i visinu honorara.

51. Da li je moguće organizovati konferencije, istraživanje, lobiranje u smislu smjernica za donošenje strategije/zakona iz oblasti kulturne baštine a osnovu saradnje sa lokalnom i akademskom zajednicom?

Sve aktivnosti koje doprinose ostvarenju ciljeva projekta i u skladu sa logičkom matricom projekta su dozvoljene.

52. Da li javne ustanove mogu aplicirati?

Ne